

知縣潞水韓琮纂

質行

昔者比閭族黨俗尙淳厚人敦古處故襄陽有耆
舊之傳汝南有月旦之評豈必盡出膠庠內哉凡
一鄉一遂有能操行潔清存心利濟者斯物望攸
歸焉建邑夙號禮義之邦自古在昔先民有作固
已脩載舊志今之賢達老成型仁講讓更復風規
卓卓使不表而出之何以發潛德而起幽光耶詩
曰民之質矣日用飲食夫惟共質也是以其行亦

可尊也志質行

明

廖彥舉在城人少孤隨母陳氏依外祖爲命會歲歉
彥舉傭力養母未幾母卒弟彥銘甫九歲鞠育脩
至比長挈以歸經營成富室生平尙義樂施永樂
間捐資造龍星鎮安二橋砌四門官路建縣堂及
預備倉正統十一年饑捐米五百石賑濟十三年
勅表爲宣義郎建坊旌之

吳孟禎在城人以漁爲業督子綱力學後綱成進士
官主事有風節致仕歸人重其清介嘉靖間御史

聶豹奏請於朝表其門曰義門

曾子秀邑孝廉汪源高祖也常與同邑吳可全往撫州某相國家買米千石行至中途計少兌銀五十兩二人送還相國義之大加敬禮因託鬻家儲米數萬石二人貿遷四方得價盡予相國自是義聲大著凡相國親戚富戶米盡以相託遂至富累巨萬至今父老語前明好義富室猶稱曾吳二家

廖霖字松石在城人性淳篤事親孝邑有鎮安橋爲其祖彥舉所建嘉靖九年圯於水邑人病涉霖捐己田數十畝重修當道義之

建寧縣志

卷之二十一 質行

二

余侃字坐竹在城人萬歷十五年捐銀壹千兩倡建邵武東門外新屯橋石墩知府馬杜按院鄧練題贈義官

徐世忠在城人好行善事不欲人知年七十時凡收買日用之物悉倍其值如是者三年一日有山翁載柴來賣忠與議價既交銀其叟秤銀忽訝曰汝銀何于所議之數多一半忠唯唯收回多者徐曰汝誠善人哉因延之坐欸以酒食而別旋心語謂人既識破何用市名爲自是不復行惟每於寒冬製衣褲以給貧人人皆稱長者卒年九十九

張國文號復軒開山人淳樸清謹以明經任福安司訓致仕歸有以公事求爲請託者文指華令所旌匾曰先去此乃可言耳

吳 鏵在城人以監筴起家嘗往來三山道經困關值蜀人赴官三山驛未抵任而死遺一婦一女喪不能殮困關諸惡少瞰女有殊色目爲竒貨因爲稱貸殯殮費將鬻此女於平康里適鏵至具以告鏵入邛丞婦曰若蜀人有商且宦於此者乎曰有中表某丞浦城柰遠何鏵遽諭遣諸惡少出橐中金償之旋買二舟一居母女一居已經送母女至

建寧縣志

卷之二十一 質行

三

浦城丞處不告姓名而返

朱臺黃惠塗人耳結爲兄弟臺行賈惠居貨兩人肝胆相孚貲旣盈九掌握聽一人計口授餐稱體製衣無爾我多寡之形且兩姓娣姒雍睦如一家臧獲趨事如一主臺族有胥盜庫鋸者累臺賠五百金惠取兩人公帑償之臺有子二惠子一及分財惠欲以子爲率峙鼎足而爲三臺欲以身爲率判圭璋而爲二亦近世之管鮑也後臺子邦定惠子道皆爲名諸生陳際泰有傳載藝文

按朱黃而後近有監生謝鼎登同友熊碧玉二人自總角合夥協力同心患難吉凶無分爾我兩家

元冠婚喪祭互爲維持交好數十年如一日熊係同
臣忠後裔鼎登爲孝廉國傑曾孫其先祖以同
年相友善人稱兩
人克紹世誼云

何 珙長吉人居家以孝友聞子孫有不順者多方
訓諭使其自改處鄉黨宗族以恕因以恕名齋累
舉鄉貢子乾以選貢任蘭溪主簿

張有元字順所在城人崇禎壬午歲饑民多菜色元
首捐米設粥以賑民賴全活邑有周姓者以逋累
將鬻妻泣別甚慘元出金代償有貧而貸者輒焚
其券里中婚喪無貲者多方調給焉

熊 高父病藥必親嘗以腴田讓庶叔自擇其礲者
歲饑出粟千餘石以賑事聞賜冠帶旌其門
萬士俊字鍾英在城人孝親睦族好義樂施治藥濟
人而不取錢衆皆德之屢蒙巡按府縣旌獎年八

建寧縣志

卷之二十一

質行

四

十三卒
李竒祚秉紉曾孫性友愛樂施與父有未析產兄子
以百金求爲己業竒祚不受金竟讓之姊貧置田

屋以贍其家所著養閒集有世情勘破只如此好
向西亭借一間之句通志作李祚

國朝

熊 員字仰泉長吉人每凶歲必先開廩平糶爲閭

里倡日計糴者家口多寡而均應焉或貧甚莫措者周之無吝色順治丁亥歲大飢佃人逋租至貳百石員槩捐弗取有從子貧而早卒員爲撫孤臨卒猶遺命其子創三溪橋以濟徒涉

謝聖伊字魁字孝事繼母繼母不悅其婦聖伊出之更娶婦有娠矣繼母又不悅又出之其父曰嘻甚矣命迎其婦歸聖伊貸貧人粟不取息少通醫客河南值大疫問症施藥所活甚衆有僕供役十餘年念其父無他子畀以金使歸養鄉人遺金於途待道左還之伯父老無依迎養於家死而殯葬始

終如一又遍修祖塚修開山路皆取其橐凡族塚之失祭及無後者皆爲之甃砌立碑時韓婆嶺一墳有數百年古松盤鬱其上伊砌墳後其松遂無敢有斧斤者迨庚子鎮兵叛擄伊錢百餘緡次日兵殲於鄉或告之曰汝錢寄頓城中某家汝訟於官故物可返伊曰吾錢數當爲彼有何訟爲他如瘞骼施榘貧而難婚者贈之皆出自本心不求人知卒年七十餘

謝國俊在城人好施與如建鎮安萬年楓演瀾溪諸橋皆倡首捐助又建稅松亭於分水均人咸頌之

姜正章字公憲銀坑人康熙甲寅耿精忠反山寇蜂起劫掠民婦有姑嫂五人被繫正章惻然出百金代贖有舟子搯舟載客舟漏貨沉將鬻妻以償適正章攜銀五十兩買山夜宿隣店聞夫婦泣別聲詢其故傾囊贈之

陳大儀字六子在城人性甘淡泊自奉儉陋有以窮乏告者賑貸之佃貧而逋負者焚其券嘗捐資修築護城溪岸建表忠祠以祀守土殉難之官凡橋梁要津次第倡造康熙十二年歲貢卒著有書稼堂詩集竒門外書

照通志錄

陳大侃字二如順治十七年歲貢簡重廉介與弟大儀鍵戶攻苦時有元季之日子祚蕃恩貢生其品行亦爲時所推重

謝邦協字克一在城人領康熙壬子鄉薦甲寅逆變逼令受職義不爲屈避僻邨土城中丙辰逆黨以火攻逼令出仍不屈闔門遇害

朱邦定字于一臺之子康熙己卯副貢仁厚謙和樂善好施邑令袁植造廬敦請賓席著有陰德報應

錄八篇

王國昂字季駒在城人賙饑寒施棺槨捐貲建查口

及永城集福兩橋時稱盛德

甯國瑄字六如在城人幼貧而孝事孀母比長饒於財作室與兄姪同居施茶瀾溪數十年施櫓數百具男宗雍字壁沼庠監亦以孝稱有堂兄客死無嗣雍爲扶柩立嗣以主其祀邑遇荒歉出穀平糶爲閭里倡經理水南浮橋十五年人不病涉年六十焚券六百餘金男鳳儀登乾隆丙辰鄉榜

謝立定字公鑑在城人性至孝母年九十六猶孺慕不衰母歿停柩於寮旦夕往奠一日焚楮風急燃寮立定竭力救護鬚髮皆焦母棺獲全又捐金四

百兩建軍口利濟橋孫家修恩貢生

艾公榆字岳銓在城人邑鎮安橋兩圯倡首捐修又獨建觀音閣於橋頭作磚墻以禦火災康熙甲子捐修聯雲橋三十九年獨建綏城橋丁丑歲飢平糶設粥全活甚衆舉鄉貢年七十寧都魏禮爲文以壽

陳世職字欽吾藍田人豪俠好義 國初山寇竊發民多逃竄職團練鄉勇倡率鄉民築六土堡保全鄉里人咸德之歲飢出粟賑貸貧而不能償者焚其券以禮讓教家年九十一而終至今陳氏世職

子孫最爲繁盛

夏文舉字國賓癸羊人年四歲痛父客死常悲淚不休稍長奔覓父骸歸葬又九世從祖居廣昌羊石山三世不血食文舉裹數十骸歸葬祖傍遇道死遺骸出貲掩厝業岐黃術貧不取值孫鳴雷領雍正壬子鄉薦官福安教諭

余大樊字楚明淨安人康熙丁丑歲飢賣田市粟以賑有族人爲債家所迫將鬻妻樊出貲代償夫婦得完

黃本迪字元凱新城保人歲貢生家貧爲塾師于邱

建寧縣志

卷之二十一 質行

八

某家邱子幼密託千金於迪邱亡十餘年其子已長迪將所託千金付還封識如故

甘世烈字文生上黎人有堂兄世胄被人牽告畏刑誣服法當死烈痛兄冤且無子慟哭請代令不許再三泣請令哀之胄罪遂得末減

官大臣字三錫黃溪人康熙間舟過浙江永嘉值歲飢邑人醵金施粥大臣解五十金助賑雍正間客富春秋潦暴漲漂民柩無數大臣捐金募人撈獲數十棺瘞之

李德卿字公輔黃溪人手致累千金再分散于貧交

弟兄顧橐已罄時有請乞者輒委曲應之曰吾寧自苦終不使人有慙沮色嘗客姑蘇能識浙江貧士戴振河贈金勸學後登甲第任邵郡太守延卿報德力却勿就

盧大璧字君顯在城人性孝服賈盧田數日必歸省覲左右曲承親志樂行善事砌路施茶數十年有負債不能償者焚其券訓子士超力學領丙午鄉薦官順昌教諭

吳泓字海隣在城人歲貢生幼值甲寅逆變城中兵火戒嚴家征一夫守夜泓代父兄役潛奉父母

及家人避地東鄉夜則入城奉公旦則往鄉事親脩嘗艱辛卒保無恙生平制行端方從游者衆姪士拔中丙午解元

謝文謨字式文在城人獨建泰邑交溪橋邑開山桐源橋捐修鎮安楓演二橋雍正四年邑飢模出金買米接濟復捐修文廟邑侯旌之

李先甲字捷三在城人孝友多義行弟亡撫姪芬如己子家產久析復撥田貳百五十石銀三百兩與芬雍正元年捐銀貳百兩修聖座又捐叁百金建準提閣於聯雲橋畔鎖下關水口以壯一邑形

勢

姜煥字有文在城人貢生立義塚二處一在邑西關外湖家窠一在泰邑梅口黃塹設田以贍祭祀捐修聖廟宮墻及城上塚口計費二百兩復捐科舉學田貳拾伍石與本族祀田貳拾伍石邑令章詳憲院旌之

朱肇璜字渭師黃溪人貢生性孝友丁內外艱廬墓六年不信浮屠初艱嗣用百金買妾入室覺憂形于面詰故知爲有夫之婦因貧離析璜當即別寢翼日召夫領婦歸并不責金其祖愛璜特甚夜命

建寧縣志

卷之二十一 質行

十

璜秉燭私窖千金人無知者祖歿璜盡發所藏分諸昆弟族黨稱之

廖璜玉在城人嘗往南翔市布主人誤筭多予三百金布廖初不知載至杭閔報稅吏詰其布多始知其誤廖載布歸鬻明年盡以價還之主讓其半辭不受人多義之

李榮灝字希程黃溪人倜儻任俠康熙辛卯歲飢灝奉母命出穀賑濟鄉鄰復持金三百遠走武昌買穀中途遇大猾剽奪詣有司告變悉置諸法穀得歸全活甚衆

余懋欽字英俊世居城北信義素著里中有不平事
多聽欽剖決其親黨有貧不能自存者每爲設法
周濟又結施榷掩骼會以濟窮困邑有大興作必
先樂施子豐拔貢有文名

艾作霖字若三在城人歲貢事父母以孝聞有介節
從不干謁有司住居城南吟風弄月晏如也邑侯
皇甫莅任七載極加敬禮雍正初以孝廉方正入
薦徵書已下以老病辭

徐國弭字逸九在城人誠實公正雍正年間邑侯請
爲楓演萬安橋首又捐鄭公橋田租邑有公事必

建寧縣志

卷之二十一 質行

十一

與姜德純徐帝臣捐金倡率設社倉以脩荒歉親
鄰有急難不惜傾囊排解邑人咸稱長者男翀領
戊午經魁選麻城知縣改授崇安教諭居父母喪

哀毀盡禮里黨稱之邑人謝聖綸贈以詩

其詩云君不見

子生三年苦無邊日無甘食夜無眠又不知長者大
門閭猶倚望心如懸旌淚如泉豺獾且知報本者
可堪人出物類下如性慘傷萬慮屏哀號震四鄰居
喪汚華夏徐子根天性傷萬慮屏哀號震四鄰居
鼎惜將身疾既舒不虞猶哭猶叩地如響哭如吼
息滅紀如藥被傷筒自脯鮮且閉藏廬失公然肉酒
斥巴西丸藥被傷筒自脯鮮且閉藏廬失公然肉酒
處內室士夫死顏自宴知嘔心耳衰麻苦塊恨奚補
徐氏子哭欲死寧自宴知嘔心耳衰麻苦塊恨奚補
嗚呼行洵哉高邁我終欲身作何詩意已慨慷側身懷古風
子篤行洵哉高邁我終欲身作何詩意已慨慷側身懷古風

李昌言字越九黃溪人庠生同里舊有社穀四十石昌言爲之斂散積二十年得穀千五百石每石止收耗四升貧民歲賴之又自捐田租壹百石名廣惠倉以贍里中之最寡者邑令上報例膺八品冠帶辭不受

陳國有字信予藍田人康熙間常與同邑徐天章客江廣會天章他適遺金三百于舟中國有追而還之又南豐主家某負客債數百兩將鬻媳及室屋以償國有出金償之遂得弗鬻

建寧縣志

卷之二十一 質行

十二

余宗漢字天若里心人性孝友多義行先是高祖遺贍學田三十石因衆事出售宗漢獨力贖回以資衣冠讀書膏火復修家廟增祀產凡里中修理橋梁道路捐金倡導族黨有不能婚喪者多助之人稱爲長者

吳璋字左軍安寅

庠生

仗義輕財好爲鄉里排難解

紛周人之急濟人之窮家漸落猶樂善不倦臨終屬其子以薄葬焉

甘元龍字盈玉上黎人例監乾隆八年飢元龍出谷四百石賑濟居鄰蟠湖隘峻嶺崎嶇雨雪行旅坐

困元龍捐五百金修路行人便之廣邑司寇魏公
撰文鐫石以表之

曾則兆里心人家貧餬口江西歸途拾銀五十兩兆
守候不去踰時有同鄉甯謙五倉皇而至兆詢其
故與所獲相符慨還之甯感之許以女爲媳兆固
辭

謝大達字鴻儀在城人事親色養父時亮好客達侍
奉朝夕不怠所置田租不滿六十石臨歿慮父供
給有缺而以半租聽父收存以備不時之需更體
父志撥與長兄贍學田二十石生平遇人急難不

惜傾囊以濟至今鄉里稱之

丁曰章在城人康熙丁丑歲飢捐穀賑濟永城保民
賴以蘇溪源有二人負債將鬻其妻章出貲代償
夫婦復完年九十終

余天民字覺先增生里心人清修自淑教授生徒爲
西北鄉文學之宗邑中知名士如鄆國鼎董其事
皆出其門胞弟天章字漢雯增生多義行績學能文
著有流聲集藏家子姓居庠者多人

黃袞字九章邑庠生里心人天性孝友母揭氏久病
躬親湯藥不解衣帶者三年事兄如父雖分居凡

有甘旨必敬奉其兄教授生徒數十年門下多知名士精岐黃術活人甚衆雍正三年通學公舉優行學院黃之雋獎語有人倫師表後進儀型之譽年八十六

謝兆熹字翹林水東人廩生事兄歲貢生兆亨克盡弟道至老愛護彌周熹學問淵博性情淳厚文章古雅建邑高才如吳士拔謝綬俯視一切至熹則斂手推服授徒循循善誘經其造就者終身佩服不忘共建祠祀之門人徐翀爲作四古先生傳謂貌古心古學古行古足爲生平寫照

李大經字綸左歲貢生開山保人家貧傭書事母盡孝妻亦賢淑勤紡績佐夫供甘旨大經奮志力學每歲科試輒冠其軍文名大著從遊者衆爲人誠朴無華品行高峻教受生徒束修外毫不苟取邑令皇甫文聘雅重之托人招致不肯就年七十餘先一年預知卒期到縣謝別親友至期沐浴服衣冠坐中堂而沒

鄒國珂字玉振在城水南人勤儉起家濟人不惜厚資生平歷建橋梁費數千金東鄉建楓林石橋圮而復造水南建鄒家板橋併捐贍橋田租貳拾石

遇春漲撤橋設舟以渡南鄉建瀾溪橋復倡首同
熊美周等捐金建楓演橋又於南關外瀾嶺建稅
松亭施茶以濟行人力行諸善事不倦鄉里頌之
康熙三十八年邑令李荃舉鄉賓旌以宿德耆英
謝伯珠字清珍黃源人潔清自矢有同里姓陳者遺
百金于路珠拾得呼而還之邑令左光先旌之
謝之烈字敕公敦行孝弟少與兄之熹同補弟子員
著聲庠序長兄之熊囊頗饒裕易簣時二子俱幼
密埋千金誠烈勿洩人無有知者比二侄長發所
藏予之封識未動二姪感焉康熙四十六年學院
增生聖敬廩生曾孫恩臨丁卯舉人人以爲孝友
之報

張尊一楚下官家地人年八十八性樂施予癸亥歲
飢斗米三錢仝姪文山減價平糶施粥賑飢花橋
年久頽敗獨力伐石鼎建子世景監生孫大觀庠
生
聶友華武調鄒家地人樂善好施歲歉平糶施藥并
給棺木鄉里重之子代能監生孫雄飛庠生

隱逸

隱逸之士何代蔑有雖堯舜在上亦有巢由蓋其
泉石膏肓煙霞錮癖若自其性生而然不可強也
建邑山厲水刻人得其氣或潔清自矢不樂仕進
雖未免硜硜之果要非高爵厚祿所得而縻者志
隱逸

宋

李安期字泰伯開山人淹貫經史以詩名遨遊江湖
間四川宣撫使吳璘雅重之岳飛死作表忠詩百
二十首吊之一日謁茶馬使王涯因賦白鷺云漁

建寧縣志

卷之二十一 隱逸

一

父家風不設醫錦鱗為飯水為羹銀袍只當簔衣
着自在江湖過一生涯竒其材將以賢良薦因奕
争道安期推枰曰公平章天下亦可如此反覆乎

遂拂衣去有蒙谷集詩稿

府志同李杜誤載邵郡人前志

仍隱逸之今

李杜字元白癸羊人工詩詞常與劉後村倡和恬退

自樂以終其身自號棗坡居士

省志誤註邵武人

明

李秉紘字彥宗在城人讀書精進領永樂癸卯鄉薦
時登第者多世臣權貴子弟紘遂絕意仕進自號

休齋杜門不出嘗賦詩曰天上看花後歸來隱白
雲地雖隣井市心自遠塵氛世事無由理聲名不
願聞箇中天地濶時誦北山文

黃喆字用昭原昌之子精通百代書尤工詩詞嘗遊
京師同鄉人有欲薦之者喆竟辭歸笑傲林壑間
有詩曰楚溪溪上好青山結得茅廬紫翠間隔斷
紅塵三萬里何人得似我清閑

余伯宜楚上人幼善屬文嘗從不辱子授尙書尤工
於詩多警句如題靜居曰綠陰移席就黃鳥隔簾
聞題禪林曰半山雲遏磬深竹雨留禽寫懷曰目

建寧縣志

卷之二十一 隱逸

二

隨天共遠心與鳥俱閑題後園曰翠低垂雨竹綠
碎受風蕉甘隱林下有考槃衡門之遺從舊志補入

何伯誠在城人性樂易與物無競唯以詩酒自娛脩
然有古人風卒年八十六

朱廣字仲生在城人少從其父賈于楚既而折節讀
書遍遊匡廬鵞峰雲棲諸禪林忽自悟曰以此盪
滌襟懷則可要非吾歸宿處也嘗訪李見羅于潭
陽得其指歸議論出人意外表郡丞萬尙烈遺幣相
招廣堅卧不起後萬來署縣事廣避之及萬內召
離郡廣乃從間道相晤於建武舟中劇談三宿始

別生平篤孝義事二人能得其歡心人有難處事爲之立剖凡有問難者曲折引伸以盡其旨趣時鄰邑志士多游其門

甯教在城人儀表俊偉初爲江西益藩儀賓後歸隱其幽思鬱勃一寄於詩著有青門詩草

國朝

朱國漢字爲章自號獨醒居士少孤事母范以孝聞明末棄舉子業挾篋遨遊足跡遍天下所至之地輒有吟咏多悲歌弔古之作著有布衣集行世

陳贄字不盈別號赤顏山人安貧樂道究心詩古文

建寧縣志

卷之二十一

隱逸

三

辭嘗曰修詞立其誠非爾何足當古人耶明末棄諸生浪跡吳越間一時名下士咸推重之尤工書法挾二王三昧所著有陳子行吟大壺山藏稿濡滯篇省劒篇竹溪古栢還綏諸集書法有千字文筆海蘭亭金針其子松字蒼雪亦以能詩善書名甯崑字惟一安吉人好學能詩不應舉明末隱居白鹿山下日坐萬卷樓嘯傲自如自號鶴山逸者常攜杖刻有銘云爾少壯尙未失足寧至老而忽諸年九十四而卒著有詩集藏于家

謝之遷字東玉均口人爲明季諸生少穎異出語驚人時目爲神童旣長折節讀書尤精史學值明季亂隱居不出我朝定鼎耿藩變逆使人招遷遷變姓名逃遁泰寧桑坪山中寇平歸隱楓溪自號靜觀居士著有楓溪詩文集藏於家

論曰易象天下有山遯君子以遠小人不惡而嚴兩陰競進有相侵之勢近之不可遠之不能故遯之義出焉觀先民李泰伯之於王涯賦詩見志復因突爭道見幾而作可謂不惡而嚴也其後相繼而起更有若棗坡休齋數君子放情山水著述自娛皆溫厚和平絕無孤憤倘亦蠱所謂高尙其事者與

建寧縣志卷之二十一

知縣潞水韓琮纂

文苑

凡物所蘊積之地曰苑蘊積之多曰林林即苑也故翰林藝林文林亦謂翰苑藝苑文苑劉向作說苑古謂之囿漢謂之苑蓋以其所說之多萃薈爲說苑焉建邑之於文也作者如林則文苑烏可志第在昔先正人往風微或湮沒不傳傳者又無幾然沉埋之久剝蠲之餘其光終不可掩滅亦得數人焉爲考其行事以著於篇志文苑

建寧縣志

卷之二十一 文苑

一

宋

邱翔字元鳳博學強記善屬文以聲律魁鄉薦登紹興庚辰第授肇慶法曹調梧州教授考課入格改宣教郎卒所著詩文有食芹集

王人鑒字克明家貧力學入太學對策有聲登紹興戊辰第調南豐主簿復歷四任遷贛州僉判爲文有法度一時碑銘頌記多出其手

謝克仁字夢得藍田人以文詞詩律游江湖淳熙改元薦干鄉其題金山詩云半夜鬼神朝水府五更鼓角動揚州大爲張于湖所知有詩集行世子繹

亦有詩名

李琬字子粹學行爲鄉里所推同邑謝皓謝黻皆受業其門尙書葉祖洽以八行薦未受命卒有詩集行世

明

曾伯輿在城人爲文以理爲主養志山林行修學成以明經舉署本縣儒學事有鳴缶集傳於世

謝子才上黎保人博通今古耻隨流俗國初以通經舉任教職有詩集藏於家

余鎡號東田里心保人以貢入太學敏捷能詩其水

建寧縣志

卷之二十一 文苑

二

口夜泊云露冷秋容澹烟橫野樹蒼半生身是客何處醉爲鄉往事夢蕉鹿迴腸遠曲江不堪寒漏水點點落篷牕又題花鳥云幽棲豈爲稻梁謀揀盡寒枝不肯休賴有梅花最清白相依飛夢到羅浮有東田稗稿藏於家

謝廷簡號訶齋以明經任蘇州司訓儻能詩五言有句云中宵撫長鋏萬里寸心懸野水流雲寂秋山帶月寒七言句云芳草無情春又暮流鶯飛過隔林啼寄跡乾坤雙過鳥啣杯今古一憑欄爲一時傳頌其子雲從字用霖亦以能詩善書名

余夢呂太守志之曾孫以選貢授麻陽令忤當道謫
奉義州判左遷鄭府審理雅好吟咏諸名勝留題
頗多其過勸湖云倒浸匡山小全吞楚水平遊龍
龜峯云林外境開天漸闊峽中水出地無多有涓
濱拙稿藏於家

謝汝聘字志尹在城人志趣恬淡耽風雅少爲諸生
游太學不得志遂不應舉而徜徉于山水間凡邑
中諸名勝輒有題咏有別業在城西日招好友談
酌如是數十年壽八十二卒著有藜蘭館集行世
何其漁字樵仲初業賈遊荆湖間不屑屑計贏絀所

至結客輒折閱其貲遂厭而棄去悉以其貲購所
未見書載歸掩關讀徹宵旦弗倦時年二十七有
詩名四方騷人來謁者每傾囊贈之迨詩成而家
壁立矣年四十而終所著詩名漁父篇今不存所
傳者錢牧齋列朝詩集數首而已徐興公稱其詩
有苦思

謝雲從字用霖號伯龍隨父綱齋任姑蘇日與王百
穀周公瑕張伯起張幼于諸先生倡和聲名藉甚
清源李公推重之欲館爲記室伯龍堅辭之廼放
情山水遨遊吳浙燕薊間名公卿聞其名咸願折

節下交巡撫孫公昌裔唐公世濟皆隆以國士之
遇留宿署中飲酒賦詩所著有北征篇越遊草其
書法瘦勁至今人寶之

謝兆申字耳伯均口人爲諸生時馳聲庠序入北太
學以詩文遊吳越江楚間每出必載書數乘文多
離竒稟兀自成一言詩則清暢與湯臨川錢虞
山鍾伯敬譚友夏諸先生最善後客死于麻城諸
友釀金追薦于雨花臺畔虞公德園曾有詩吊之
曰千秋三事立萬里五車隨同里戶部李皞如亦
輓以詩曰竒文散佚知多少留與名山泣鬼神著

建寧縣志

卷之二十一 文苑

四

有耳伯集傳世 附朱竹垞詩話晉江黃監丞明
立序耳伯集稱其喜交異人購異書撫異聞自墳
典坵索經緯流略稗官瓌語靡不甄錄交遊既廣
橐中裝半以佞佛半以市書書有三十乘留僧舍
已散佚予嘗入閩購其手抄張伯雨詩與世所傳
者迥別惜乎三十乘者悉蕩爲煙塵矣耳伯詩非
不銳意法古奈其辭鬱而不舒蓋耳伯踰嶺游吳
首以詩文請業于劉子威未免問道于盲宜其所
就止此學者擇師誠不可不慎耳

按竹垞譏耳伯

道于盲然攷耳伯集有子威序稱耳伯爲先輩則
耳伯未嘗師事子威而子威實尊禮耳伯也竹垞

所云或傳
聞之誤

廖用賢字賓于在城人庠生倜儻好交遊與同里詩人陳一言李春工結詩社四方詞客來者必授餐去則贈以金家漸落不少惜讀書泰寧甘露巖著有尙友錄吸露齋集其子先哲先開亦以文行著國朝

李嗣元字又元春熙季子庠生鼓篋南雍爲博雅通儒所至名山大川輒有題咏一時公卿大夫交重之嘗侍父病不就寢者數月父歿居喪盡禮晚年攀雙足杜門不出著有息軒詩文集四十卷行世

建寧縣志

卷之二十一 文苑

五

有元珠領異及經史域外觀二十卷藏于家纂刻父戶部公奏疏條議詩啟爲玄居集訂定李忠定公全集呈請邑令左光先捐貲刻之版藏于家康熙壬子修志多出其手年七十餘卒

丁之賢字德舉在城人少時刻意學詩涉獵左氏孫吳兵法詩出入唐初盛次亦足當李崆峒何大復後勁初遊秦中詩多散佚家貧作字不能具紙筆詩草漫漶不可識認同邑何梅掇拾得若干首刻爲綏安兩布衣集行世

何松字木公號梅溪長吉人幼隨父默仙以岐黃術

遊南昌遂寄籍補弟子員旋食餼以詩文取重當事一代名公鉅卿及西江十三郡人士交契焉吉安大宗伯李維饒瑞州孝廉吳麟子皆受業其門刻有遊草初集二集行世

廖必亨字猷之在城人長身方頤美鬚髯邑稱高才生督學田竒其才拔取食餼中康熙庚申補科舉人年二十抗顏爲經師獎進後輩不遺餘力著有拾餘草樓居集藏于家

吳師聃字亦龍在城人父應竒嗜書好古業專禮經嘗負笈走溫陵三年卒業而歸聃承家學與同里

熊臣忠爲金石交聃屢試不售遂閉戶著書哀集三禮撰麟經說約禮記鈔聃五子皆有文名秉芳康熙庚午經魁續成聃禮記註疏八帙藏于家

謝師儀字太生在城人幼穎異讀書強記能詩文甲午選拔索後場不得例貢屆期又遇文停止豐才嗇遇而行歌自得著有容園詩集藏于家

袁一先字我峯水東人歲貢生工聲律亦善品簫兼能書畫名重一時邑中何江邨謝芝山皆其門人學院沈公涵延爲八閩衡文總裁著有香谷集行于世

何梅字雪芳號江邨貌清癯眇一目聰穎過人善屬文尤精詩學膠東高茂苑視學閩中聘與甲乙稱爲何畸子于是何畸子之名遍閩中矣生平豪情詩酒每讌會達旦不休家雖屢空晏如也年四十舉于鄉屢躋公車遂絕意進取愈肆力于詩晚而益工就教建陽崇禮先賢嘗往朱林督修朱子墓又立謝疊山先生賣卜碑于朝天橋側皆有詩載江邨集中以老病歸卒年七十

席大霽字作舟在城人歲貢生有文行弟子半庠序著有古文集朱梅崖爲之序雷翠庭先生亦有序

古文集藏于家未刻

余敏紳字張佩在城人篤學好古尤長于詩康熙午未聯捷觀政禮部詩名震京師後丁母憂死于孝著有韋齋詩集行世沈歸愚先生選 國朝詩別裁登入數首

姜大智字鴻圖在城庠生工詩著有留雪堂詩集學院黃之雋爲之序集中警句五言如海風吹月上江雨送潮歸牕冷留雲白峯迴接檻青四時松澗月數點草堂星人家空翠裏山色薄寒中十里雲峯聚數家籬落深七言如射虎巖邊風落荔釣龍

井畔石生苔芳草停車尋釣井夕陽木落冷毬場
傲骨慵如秋後燕世情踈似雨餘蟬露冷暗蛩鳴
曲砌月明殘夢過西樓春風野店憐寒食細雨閒
塘擬麥秋皆佳